

ՇՈՒԼԱՎԵՐ, 18 ՄԵՊՏԵՄԲԵՐԻ

(«Նովոյե օբոզրենիայի» թղթակցությունը)

Ի հավելումն ավագակների հետ դեկտեմբերի 15-ին տեղի ունեցած փոխհրաձգության մասին համառոտ հաղորդագրության, կարող եմ հայտնել հետևյալ հետաքրքիր մանրամասնությունները: Սեպտեմբերի 15-ի գիշերը Բորչալվի գավառապետը Արուխլո գյուղում դիրքեր գրաված որսորդական ջոկատի պետին տեղեկացրել է, որ Ալայ Մուրսակուլովի ավագակախումբը Տաշտիկուլյար գյուղի մոտ կողոպտել է մի գերմանացու ձիասայլ: Այս լուրն ստանալով, պողպորուչիկ Օսիպյանցը, 7 զինվորների հետ, դուրս է եկել՝ Խրամի կիրճում ավագակներին փնտրելու: Առավոտյան 7-ի մոտ պ. Օսիպյանցը Խրամի կիրճից ելնելով, ուղևորվել է դեպի Քոսալար գյուղ: Հիշյալ գյուղին չհասած շարքայիններից մեկը բլրի գագաթին թամբած ձիեր է նկատել, որի մասին հայտնել է սպային: Նույն ժամանակ բլրի հետևից կրակոցներ են լսվել, բայց չարագործները չեն երևացել: Զինվորներն անմիջապես շղթա են կազմել: Շղթայի տեղը միանգամայն հարթ է եղել: Ավագակներն ուժեղ կրակ են բացել՝ շղթայի վրա գնդակների կարկուտ տեղալով, ընդ որում աջ ուսից թափանց վիրավորվել է շարքային Բայազիտովը, իսկ երկու ուրիշ զինվորների գլխարկները ծակվել են:

Որսորդները ավագակներին չեն տեսել, այդ պատճառով կրակն ուղղել են նրանց կրակոցներից առաջացած ծխի քուլաների կողմը:

Դրանից հետո, պետի հրամանով ջոկատը երեք միահամուռ համազարկ է տվել և «ուռա» գոռալով նետվել դեպի բլրի կատարը՝ ավագակների դիրքի վրա: Վերջիններս իրենց դիրքը թողնելով, սկսել են նահանջել: Այդ ժամանակ պ. Օսիպյանցը բլրի կատարին թողել է երեք զինվոր՝ նրանց հրամայելով հետևել կիրճի ելքին, իսկ ինքը, մյուս երեքի հետ, իջել է կիրճ: Նույն պահին որսորդները նկատել են կիրճն ի վեր վարգող հեծյալ ավագակներին և նրանց վրա կրակ են բացել, ընդ որում՝ վիրավորել են ավագակներից մեկին այնպես, որ նա ձիուց վայր է ընկել, բայց արագ վեր է կացել ու թաքնվել բլրի հետևը: Այնուհետև ջոկատի պետը շարքայիններին հավաքել է և սկսել

հետապնդել ավագակներին: Վերջիններս, նախկին դիրքից մի 700 քայլ հեռանալով, նոր դիրք են գրավել (թմբի կատարին) և հետապնդող որսորդներին դիմավորել ուժեղ կրակով:

Փոխհրաձգությունը շարունակվել է մոտ մեկ ժամ: Որսորդները սկսել են սողալով մոտենալ ավագակների դիրքին, բայց սրանք նահանջել են ու թաքնվել հսկայական քարերի հետևում: Սակայն շուտով ավագակների հետքը գտնելով, զինվորները կրկին հետապնդել են նրանց՝ ընդհուպ մինչև Խրամ: Այստեղ ջոկատն ստիպված կանգ է առել, քանի որ ծարավից և հոգնածությունից զինվորներն ուժասպառ են եղել: Խրամի ափին, Դագեստ-Խաչին գյուղի մի բնակչից ավագակները խլել են երկու ձի և շարժվել դեպի Դարբազ գյուղը: Նրանք փոխհրաձգության տեղում թողել են երկու հրացան, այծենակաճներ, խուրջիներ, թամբ, կաշվի խուրջին՝ նոր սիստեմի փամփուշտներով և շատ այլ իրեր: Երեկոյան ժամը 4-ի մոտ կազակներն ու չապարները Խրամի կիրճում հասել են ավագակներին՝ Սամգրետ գյուղի դիմաց, սակայն այստեղ ավագակները, ձիերը թողնելով, թաքնվել են անտառում: